

Աչերս ըզքե՛զ տեսանէ եւ սրտիկս ըզքե՛զ կու սիրէ.
 Երբ իմ սիրտս ըզքեզ սիրէ, քոյդ ինձ ի՞նչ պատճառ կու դընէ.
 Շատ մարդ կայ հասրաթ, որ լեզուով հետ ինձ զըրուցէ:

Թ .

Ա՛յ գնա՛, չիպիտիս դուն ինձ , լուկ պեզար՝ իմ սիրտս ի քենէ.
 Չերայ խոցեցիր դուն զիս, լուկ վերցաւ սրտիկս ի քենէ.
 Թէ գան ու զքեզ ջուր ասեն կամ ջուրին ճարակն ի քենէ,
 Տարեկ մի ծարուած կենամ, չիխըմեմ կաթիկ մի քենէ:

Ժ .

Սուրաթդ ո՞ւմ սուրաթ նըման, Յովսէփայ որ զՄըսրայ տիրէ.
 Հանցեղ էդ փարսի սուրաթ ի Պաղտատ քաղաքն եղել է.
 Ստեղծողն ի քեզ բարեխօս՝ որ սուրա՛թըդ քեզ տըլել է,
 Այն մանկանըն մի՛ նենգել որ սրտով ըզքեզ կու սիրէ:

Ժ Ա .

Աղուո՛ր, զքեզ Աստուա՛ծ ստեղծել, մարդ օրհնեա՛լ որ զքեզ բերեր է.
 Ո՛չ լուս կայ ի քեզ նըման, ո՛չ արեւ որ դեռ կու ծագէ.
 Չօհալ աստղիկ քեզ նըման, որ ամէն առաւօտ կ'ելլէ,
 Կ'երթայ ի Հռոմք ի վար, լուսն ու մութն ի հոն բաժանէ:

Ժ Բ .

Աղուո՛ր, Աստուա՛ծ քեզ ստեղծել, մարդ օրհնեա՛լ որ զքեզ բերեր է:
 Բանիկ մի խալատ ունիս, չես թողուր որ ըզքեզ պարգևէ:
 Չինչ աշխարհս երեւց յայտնել՝ ըզքո խրատ տըլողն անիծէ,
 Որ քեզ խըրատ տըլել է՝ զքեզ յիսնէ կարօտ կու պահէ:

Ժ Գ .

Աչերըդ դու հանց ունիս, աջն երե՛՛ ձախըն խորովէ.
 Ունքներըդ դու հանց ունիս որ Շիրագն ի հիմնէ քակէ.
 Հալապ ու Դըմըշի քաղաք՝ ով որ զքո ձայնըդ կու լըսէ,
 Տըլել զարեւուն ըզթարկն՝ հասրաթով ըզքեզ կու տեսնէ:

Ժ Դ .

Աչերըդ դու հանց ունիս, աջն երե՛՛ ձախըն խորովէ.
 Ունքներըդ դու հանց ունիս՝ հանց՝ զանձըս քեզ ծառայ գըրել է.
 Դու ա՛ն զհոգիս ու զմարմիսս ՚լ ի դնչեղ պագիկ մի ծախէ.